

l'rouéyonm éd Diu il é tou proch.

8. Rindé l'santè a ché malad, ravivé ché mor, gyériché ché lépro, kaché ché diab, bayé gratich éch k'ôz avé rchu gratich.

9. N'vô mété pouin in pangn d'avouèr éd l'or ou d'l'arjin, ô byin d'eut monnouè din vô bours.

10. N' préparé ni in s8 pour chl' ékman, ni do vétur, ni seuyé, ni bacon; kar chti lô ki travay, ô gingnè k' ô l' norich.

11 _ N' inport din kyé vil ou din kyé vilaj k' ôz intréré, dmindé ky' è' ch k' é dingn éd v8 lôjé, é pi ô rèstré din s' mouézon jusk a ch' k' ô vôz inn alèch.

12. Inn intran din l'mouézon, salué' l, in dizan: ék la pé fuch din l' mouézon lô.

13. Si l' mouézon lô nn' é dingn, v8 pé, al irô dsur èl; é pi si a nn' é pouin dingn, vô pé al érvarô dsu vou_

14. Kant inn jin n' vôrô pouin v8 rchouvouèr, ni vôz akouté, éskoué in sortan dé l' mouézon lô ou dé l' vil lô él pousièr éd v8 pi é.

15. J' vô l'di in vérité: a j' jour dé j' jujmin, Sôdonm pi Gômor én sron pouin si rudmin trètè ké l' vil lô.

16. J' vôz invouè konm dé bèrbi ô mitan d' ché leu. Fuché don malan konm ché sèrpin, é pi sinp konm ché pijon.

17. Mé rbéyé a vou ave zz' onm: pask i vô fron unir din leuz asinblè, é pi i v8 fron psé din leu sinagog;